



Vendita da marcas da Pro Juventute

Il retgav da vendita da marcas da Pro Juventute vegn impundì per projects ed acziuns en la regiun.

9



Protecziun da biotops e pallius

En ina dumonda parlamentara s'occupa deputà Daniel Albertin cun la protecziun da biotops.

12

südostschweiz

LA QUOTIDIANA

Redacziun: Via Sommerau 32, 7007 Cuiria, tel. 081 255 57 10, redacziun@laquotidiana.ch



Il Chor mischedau Schluen 2017 cun siu dirigent Armon Ulber (davon dretg). FOTO A. BEEI

Treis chors giubilaris

Concert a Schluen cun accent cant a cappella

■ (anr/abc) Dapi 2006 diregia Armon Ulber il Chor mischedau da Schluen. Quei chor envida mintgamai baul la primavera a siu concert annual. Uonn ei quel il november. Per in motiv special. La stuschada da termin ha connex cul giubileum da 50 onns. Il Chor mischedau da Schluen ei vegnius fundaus ils 1967. Tenor la devisa creativa han ils da Schluen encuretq il contact cun in chor grischun che festivescha il medem anniversari. Anflau quel han els a Bever ell'Engiadin'aula. Il medem onn

sco Schluen e Bever festivescha in tierz chor, siu 20avel anniversari. Cant Aurora cun siu dirigent Peter Appenzeller se presenta tiel concert a Schluen. Armon Ulber conta dapi 17 onns cun quei chor. Treis chors differents vegnan a presentar canzuns da lur repertori. Da quella cooperaziun seresulta in maletg variont dil cant a-cappella. Sonda proxima, al concert a Schluen, san ins tedlar e guder in program vast e variont.

➤ PAGINA 5

Cuntents cun la runda d'atun

L'US Schluen Glion integrescha successivamein giugadurs giuvens en sia emprema equipa

DA HANS HUONDER / ANR

■ Schluen Glion vegn a terminar il campinadi da ballapei dalla 3. ligia digl atun denter las meglieras equipas. Cun quei ei in'emprema finamira contonschida. L'autra intenziun – quella d'integrar novs giugadurs giuvens ella squadra – ei medemamein sin buna via. Questa fin da jamna ha liug la davosa runda dil campinadi da ballapei regiunal. Schluen Glion dat siu davos giug dad uonn ordeifer encunter Razén. Igl ei la scuntrada denter il tierz dalla tabella encunter il secund davos. Igl assistent dil cautenader Cyrille Benoit Belinga, David Caduff, spetga ina victoria per la fin dalla stagiun: «Nus vegnin a trer las consequenzas ord il giug encunter Sargans. Denter auter vegnin nus a stuer s'organisar meglier ella defensium. Lu ei in success cumplein encunter Razén pusseivels.» Cuntents ei Caduff cun la stagiun d'entochen ussa: «Nus havein contonschiu la finamira d'esser denter las meglieras equipas.» Els diesch giugs d'entochen ussa ha Schluen Glion gu-



Il davos giug da quest atun absolve la squadra da Schluen Glion sonda suenter miezdi encunter Razén. MAD

dignau sis e contonschiu dus remis. Dues scuntradas ein vegnidas spiarsas. L'emprema equipa da Schluen Glion sesanfla il mument en ina fasa da midadas. «Nus em-

pruein d'integrar novs giugadurs giuvens ellas retschas da quella. Il proxim temps vegnan numnadamein entgins giugadurs pli vegls a calar da dar ballapei», declara Ca-

duff. Simon Gallmann e Gavro Dakic bandunan l'equipa gia igl unviern.

➤ PAGINA 7



Marcus Caduff, il deputà da la pcd e schef da fracziun ha preschentà l'iniziativa No-Billag. FOTO G. N. STGIER

Pcd unanim cunter l'iniziativa No-Billag

■ (anr/gns) Mardi saira ha la pcd grischuna salvà a Cuiria ina radunanza da delegads e delgadas. Tema central da l'occurrentza èn stadas las midadas e tendenzas generalas tar las medias. ecidida è er vegnida la parola per la votaziun dals 4 da mars, l'iniziativa No-Billag, che vul pri-

vatar cunzunt radio e televisium. Preschentada è quella iniziativa vegnida da Marcus Caduff, il schef da fracziun da la pcd grischuna. Ils 76 delegads e delegadas han decidì unanim da refusar liniziativa e quai sena nagina discussiun.

➤ PAGINA 2

Remas intonadas da Mario Pacchioli

■ (anr/sr) Sonda, ils 4 da november, a caschun dils Dis da litteratura a Domat ha liug la vernissascha dil niev disc compact «Remas» da Mario Pacchioli. Seregurdond a siu temps d'affonza a Rabiun ed allas poesias romontschas ch'ei fuva d'emprender da lezzas uras en scola, ha il cantatur e cumpositur mess en musica 18 poesias. Quei per cant e per orchester sinfonic. El me-

dem mument edescha la Chasa editura rumantscha in cudisch cullas 18 poesias ella versiun originala romontscha e della translaziun tudestga e franzosa. Poesias enconuschentas da Muoth, Tuor, Camathias ed auters survegnan aschia niev slontsch ed entras «Remas» duein ellas anflar atenziun era suls cunfins linguistics.

➤ PAGINA 3



Als Dis da litteratura presenta Mario Pacchioli «Remas» sia nov'ovra sinfonica. MAD

«Ma GUARDA» cun 110 expositurs

■ (anr/gns) L'exposiziun «GUARDA», che stat sut il motto «deletg e tradiziun» remplazza l'exposiziun «Gehla», che ha gi blers onns ses post fix en il mais da settember. Ier è stada a Cuiria l'avertura da l'exposiziun cun total 110 expositurs. L'areal e la tenda da l'exposiziun èn partids en entschintg partiziuns, puraria, ragischs, martgà, event e plaschair. L'occurrentza cuzza anc fin dumen-

gia proxima e mussa cunzunt nosa multifariadad da products e producents. Il giavisch da Marco Engel, il directur è che mintga visetader da l'exposiziun «GUARDA» turna a chasa cuntent e plain luschezza. Gia il num saja ina singularitad, ha ditg Urs Marti, il president da la citad da Cuiria: «Ma GUARDA» che bello, ha el menziunà.

➤ PAGINA 8



Marco Engel, (dretg) il directur da l'exposiziun «Ma GUARDA» beneventa Gian Michael, il deputà da la Val Schons. FOTO G. N. STGIER

40044
9 771424 749004

Servetsch d'abunents e da distribuziun: tel. 0844 226 226 mail: abo@somedia.ch